

# آخر حدود الوطن

شعر

علي عبد العزيز



آخر حدود الوطن

شعر: علي عبد العزيز

الطبعة الأولى: مايو 2008م.

الناشر: جماعة إضاعة الثقافية.

حقوق النشر محفوظة للمؤلف.

للغنان : محمود خهاجي.

الغلاف تصميم: سامح خهاجي

طباعة مطبعة دار الإسلام

إلى الشاهراجل  
صالح عبد الحماد  
مع كياتي والله كل الحور

علي عبد العزيز

١١٢ ٤٥ ١٠٦٦

الإهداء

لحاجات كثير جايه بكرة

علي عبد العزيز

1  
2  
3  
4  
5  
6  
7  
8  
9  
10  
11  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44  
45  
46  
47  
48  
49  
50  
51  
52  
53  
54  
55  
56  
57  
58  
59  
60  
61  
62  
63  
64  
65  
66  
67  
68  
69  
70  
71  
72  
73  
74  
75  
76  
77  
78  
79  
80  
81  
82  
83  
84  
85  
86  
87  
88  
89  
90  
91  
92  
93  
94  
95  
96  
97  
98  
99  
100

جمرتي حرقلة أيديا

والصليب علي كتفي علم

الصحابة نسوا الوصية

واللي كان قدامي سلم





## سَنِينَ وَاقِفٍ عَلَى الْعَتَبَاتِ

سَنِينَ وَاقِفٍ عَلَى الْعَتَبَةِ  
وَبَاسْتَتَى يَا بَابَ الْخَلْقِ  
تَفْتَحُنِي  
أَزُورُ السَّيِّدَةَ الطَّاهِرَةَ  
وَأَقِيدُ الشَّمْعَ فِي مَقَامِهَا  
وَأَسْتَسْمِحُهَا تَقْبِلُنِي  
أَكُونُ وَاحِدًا مِنَ الْمُحَاسِبِينَ

و لو تقبل  
أعبي دموعي في القربه  
وأطوف أروى الحكاوى سبيل  
عن العشاق و الشهداء والمجاذيب  
وبل الريق يفكرنى  
بعطش الورد  
يوم ما البغى ساد سيفه  
فصار العتر أيقونه  
تقيد السكه و تنور  
دروب مليانة بالعشاق



## المريد

سبحانه من سواك  
عود غاب بيطرح تين  
و فاكهه للمساكين  
و ناي بيعزف  
ترنيمات المريمات  
أوراد  
حبات دموعك يا مريد  
سبحة  
و البكى تسابيح  
هتسيح ف أرض  
ربك الواسعة

تسعى  
من العشا للضحى  
و ترور جميع الأضرحة  
بalfاتحة و الصلوات  
و الذكر في الحضرات  
(باننت سعاد  
هام الفؤاد  
و الوجد زاد)  
القلب بات مبتول  
أما الجسد مقتول  
عاشق و نفسه ينول  
نظره و مدد تحييه  
و ترجعه لأراضيه  
من تاني يطرح تين  
و فاكهه للمساكين .

## سبت النور

لا سبت نورك آخر الأحران  
و لا كان بداية الآلام  
ويا حد الخوص  
متكحليش بالبصل عينك  
و ارمي النظر لبعيد

هتشفوفي مين اللي خان  
قبل خميس العهد  
يا حاضنة خشب الصليب  
لبعد عيد القيامة  
خصيتي مين بالخلص  
وصيتي مين ع اليتامى  
صفين من العشاق  
شافوا في انتظار العلامة  
عشش على الإكليل  
بومة و ثلاث غربان  
أمانة يا رهبان  
متعملوش دم الغريب  
قربان

أنا شعري مش قصايد

فى ندوه أو ديوان

أنا شعري حزن صايد

الفرحة من الزمان



## طرح السنة

الدمع نبت ع الخدود أشجار  
حنظل مع صبار  
أنا قولت أجيب  
طرح السنة أشعار  
عمنول البرتقان  
ما بل ريق العشمين في الخير

أنا قلبي زى الطير  
تايه فى ملكوتك  
يهدى الحزانه غناه  
وللفقير قوتك  
ما تهز جذع النخيل  
وتوفى بوعودك  
أنا من زمان منتظر  
يا سمره مولدك  
بالدم هنعمده  
ونقيد بخور عودك

## غزوه مخبوءة

قولي لعرايس بحرك  
اللي ع الشطوط واقفين  
إني خلاص مليت  
من لعبه الفارس  
و لا عدت قادر  
أجدل شعور البنات  
يوم الحصاد غله



معلش سامحيني  
كل اللي باقي لي  
حبه دموع فضلان  
من غربة الأيام  
وغنوه مخنوقة  
مابين شفايف ناي  
وجناح حمام زاجل  
وحصان شريد هربان  
من خنقته الحواديت

## ولمہ مستببی

یا للی اتسع المدی  
صدرك  
سایینی لیہ تایہ  
فی فوضۃ الأحزان  
یا ما وعدتینی  
انک تضمنی  
لما الحمام یرجع  
من زفة المحمل

ضل الحمام  
واللاه  
برك الجمل  
أجل الزفه واللمات  
من يومها وأنا قابض  
يا سمره ع الجمرات  
وسايبه تكوينى  
باللحظه و السنوات  
يمكن يفز الجمل  
أو ترجع الحمامات

## حكايات لامبارح وليك

الدنيا ديوان من غير عنوان  
بدا بعبارة كان ياما كان  
جوه الحواديت تلقى العفاريت  
و تلاقى كمان أمرا و شطار  
وملك محتار و وزير بمشورة  
تقيد التار  
فيه جحا بحمار  
داخل مباراة  
مع فرقع لوز  
وأخوه الأراجوز  
الشاطر يعرف مين هيفوز

وقفوا الخطاب سنتين ع الباب  
وابن الخطاب  
جاء دوا وعلاج بنت السلطان  
غلاب يا نصيب يا نصيب غلاب  
البحر يهيج و الموج قلاب  
وعجوز صياد بيقولى يا واد  
لو ترمى الشبكة استنى السمك  
او عاك تستنى علاء الدين  
ماعهوش مفتاح و لا ليه مصباح  
تدعه هيقول شبك لبيك  
حظك من كدك صنع ايدك  
أنا رحت البير و مليت الزير  
وعملته عشان الكل سبيل  
ان كنت نوايه اسند ويايه  
نطول الغابة ونبقى دليل  
ودليلي احتار و الليل ستار  
والقط اتخبى فى عبه الفار

وأهى دنيا وماشيه بالمندار  
وخدانا صغار م الدار للنار  
ترميناه فى وسط جبال أسرار  
مغارته بتفتح بالسम्म  
وياقوت مرجانه بيتقسم  
بين العصابات  
امبارح قالوا التعلب فات  
وياه أسرار كل الحكايات  
خنزيره حزين على دب  
رماه جهله وغباه  
فى قرار البير  
والبير سواقيه  
بتدور بقادوس  
بتعلى فى ناس  
على ناس بتدوس  
والعاقل ياخذ منه  
دروس

مش كل طير جناحه

بيطير بيه فى الفضا

ساعات الكون بحاله

مايكفى الفضفضه



## أبويا

أبويا اللي شايل  
هموم فوق همومه  
عشان رزقه  
يوصل لياليه بيومه  
و مسك العرق  
اللي ساكن هدومه  
شهاده و دليل  
على أنه قضاها  
عابر سبيل  
و عايش و راضي  
برزقه القليل  
يخاف من خياله



و ينصح عياله  
إذا هب ريح  
يسدوا البيبان  
و يمشم في حالهم  
في ضل الحيطان  
يوطوا في صوتهم  
لأن الودان  
توصل كلامهم  
لسكة مهالك  
و كان غيره سالك  
و هو غشيم  
إذا حد يدعي  
على الظالمين  
يهلل .. يكبر  
و يصرخ آمين

## أمي

(1)

نحتوكي م الصخر مسله  
نقشوا المراثي على جبينك  
أخذ الزمن منكى ماخله  
إلا ابتسامه بترينك  
تقدر على الحزن تهده  
والبرد لياليه بتعده  
الصيف يا واد اتأخر ليه  
احنا كفتنا على قده

(2)

أُمِّي اللّٰهُ وَرَثَتِ  
نَخْلَتَيْنِ عَنْ أَبَوَاهَا  
لَمَّا الْبَلَحَ يَطْرَحُ  
تَقُولُ أُمِّي فَرَجَتْ  
هَنْسَدَ دِينَ السَّنَةِ  
وَنَهَادِي  
وَاللّٰهُ فَضْلَ هَنْشَفِهِ لَصِيَامِنَا  
نَسِيَتْ بِإِنْ النَخْلَتَيْنِ مَا يَكْفُو  
وَأَنْ الْكَلَامَ دَهْ  
أَيَّامَ مَا كَانَ النَّخْلُ  
مَلِكًا لِأَبَوَاهَا  
تَضْحَكُ تَقُولُ  
رَبَّنَا يَفْرَجُهَا  
وَتَدْعِي لَكَ وَ لِأَهْلِهِ بِالْإِسْتِر

## لمسحراتي الوطن

برج البلابل مش ملكي  
وأنت اللي ناقش بلاسلكي  
القاهرة وأحلى ما فيها  
بكل ناسها وحواريها  
فصوص كلام عقدك زنها  
ماسح دموع ليل أحزانها  
وفى الحسين يعلا أذانها  
حشد الجيوشي فرسانها  
أبو العلا بينادى بولاق  
الأزهر ينور كل رواق  
يفتينا فى الدين والثورة  
وفى حب فلاحه وسمره  
مختار نقشها بأزميله  
انت اللي فى الفن زميله

سحرت طه أديب الأيام  
عم النديم والشيخ درويش  
وأحمد عرابي أمير الجيش  
سحرتهم صحبوا ما نامو  
والمجد رجعت أيامه  
أنت اللي قلت زمان قبلي  
الطبل طاب لك وآهو طبلي  
أمنيه واحده يا عم فؤاد  
ألفها قبلي وبحري  
أدب وارقص زي الدب  
وأتسلى بالقهر واللب  
فى بحرها أغطس وأقب  
أرمي الشبك مع صيادها  
والأغى زغاليل أبراجها  
واغنى ويا السقا سبيل  
من بعد ضيق ربي فرجه



الدمع سال ع الخد

بيروي في التفاح

لو الهموم ع القد

كانت العيون ترتاح



## قلبي اللي فاتحه

قلبي اللي فاتحه  
ع المشاع للكل  
فيه اللي عد وفات  
وفيه اللي قاعد يطل  
وفيه اللي داس بالمداس  
وفيه اللي زرعه فل  
طهرتهم الخناس  
وطرد منه الغل  
والحب جعله أساس  
ولا أرضى يوم بالذل  
إن كنت يا قلبي نحاس  
أنا أبيضك و أجليك  
وأشيل قسوة الناس  
اللي رموه فيك



## واقف ع السلم

واقف ع السلم  
يدهن فى عمود النور  
باللون الفضى  
يتعب ينزل يرتاح  
بنفس فى سيجارة  
وشفطة شاي  
يجي من ع الشجره غراب  
ينبش فى عمود النور  
يرجع تاني يدهن فيه  
وكأنه سيزيف  
والصخرة غراب  
والريس هو اللعنة  
الإلهية اللي ببسلمه الشغل

## الجرح مفتوح

(1)

الجرح مفتوح ما اندمل  
ف حياتنا إيه اللي اكتمل  
كل الحاجات يا دوب شبه  
الحب إيه  
شبكة إيدين  
إن هب ريح يتفرقوا  
لا حضن ولا مصيدة  
سري اللي كان ساكن ف بير  
أصبح خبر ملو الفضا  
ملعون أبوك يا فضفضة

(2)

حلمي اللي شيعته  
لمثواه الأخير  
كل ما أصحي ألتقيه  
واقف يطلع لسانه  
ليا و لأصحابي الكثير

(3)

ليه الصحاب بيبدأوا  
دايما بسيرة أبو بكر  
و ينتهوا بقصة يهوذا  
الطيبين ما عاد لهم  
ف الدنيا عوزة

(4)

الحلم ماهوش  
زي السن بيعجز  
الحلم لما بنكبر  
على كتفه نتعكز

## للباطل ألفه حجة

و كل باطل حجته ف ايده  
و الحق واقع حجته منه  
مين اللي قادر يلمه  
و يشيل على الكتف همه  
أنت النحيل الهزيل  
قادر بكتفك تشيل  
و المرة نخ و مال  
لا بتشتكي للزمن  
و لا تلعن الجمال

الشعر مش هتاف  
و لا عمره مره خاف  
يهتف ف وقت الجد  
الشعر ملهوش حد  
ف الحق لسان و رد  
بيتوى بيه الضعيف  
و يكشف كل زيف  
و يبقى حصان وسيف  
و ف المعارك صد  
الشعر ملهوش حد  
متوقفوش حدود  
يجتاز كل السدود  
و يكسر القيود  
في غناننا يبقى عود  
و للحرية الورد  
الشعر ملهوش حد



## هو أنت بعد معايد

التزم الصمت  
عبر عالموضوع بهدوء  
خلي علاقتك بالأحداث  
الفرجة على التلفاز  
إن كنت متغضب  
ضعف النص  
صورة كلب بينهش  
جثث الناس  
أقول إن المنظر  
يا حرام  
مرعب خالص

وإن خروج المخرج عالنص  
ببشكل كارثة على الانسان  
وبكل حياد اختار كلمات  
تشبه بيانات حركات  
السلم الآن  
وانسى حكايات  
حزب الله وحماس  
صراع و وجود حق وباطل  
هنكمل بعد الفاصل

## كل دورة وأنتم طيبين

وإيه يعني انفعلي ميدو  
ما مجد الماضي هنعيدو  
وهنجبلك يامصر الكاس  
ونشرب نخب الانتصارات  
وهيرفرف علم ورايات  
فى إيد شربات  
بنات مغسولة بالشامبو  
وإيه ذنبه  
إذا العبارة واخده شهادة الجودة  
وإذن ملاحه من بنما  
وفين بنما على الخارطة  
أكيد مش جنب بني سويف



يا زمن الزيف  
كفاية حرام  
من الاستاد طردهم  
وفى القطارات حرقتهم  
وعند ميلانو في سفاجة عملتوهم  
وليمة لذيدة للأسماء  
ومين سماك وطن لينا  
وفيك مشطوبة أسامينا

## آخر حدود الوطن

آخر حدود الوطن  
صبحت جدار البيت  
بتحن ليه للبلاد  
على أرضه ما حبيت  
كل اللي بينك وبينه  
حكايات أبوك و أمك  
وكم سلام فى جواب  
م الخالة والعمة  
لساك بتحلم برضه باللمه  
كل الموالد خلاص  
كت شرك و اتفضت

والوحدة صبحت عبادة  
متسكرا الأبواب  
والقهوة سادة  
وشاي مخاصم  
رصة الكوبيات  
ولا عدش في البلكونات  
قلل بنعناعه  
ورد الهدوم دبلان  
من فوق حبال الغسيل  
كل اللي بقى منشور  
إسدال كنيب اسود

## وطن مش بتاعك

هو أنت واقع  
من حصان غازي  
نساك هنا  
و رَوَّح على بلاده  
و لا الغزاة وزعوا  
الأرض ع الأحفاد  
و سابوك تدافع  
عن وطن مش ليك

هكسوس على ممالك  
فرس و يونان أترك  
يا عم مين خلاك  
تعشق تراب  
مالكش فيه و لا قبر  
و العيشة مر و قهر  
و بالحساب و الجبر  
تجيب عشاك فتافيت

## في الصف ولا الطابور

و يبقى ف صفك الأول  
في يوم ما تكوني محتاجة  
و لما الدنيا تضحلك  
بترميني و لا حاجة  
أنا المحروق في بني سويف  
و غرقان خالي ف سفاجا

و هل فاكرة أهالينا  
في يوم ما القطر خلاهم  
يدوب فحمة على الجوزة  
و كام واحد شنق نفسه  
من العوزة  
أكيد ناسية  
و جاحدة القلب يا قاسية  
وفاكرينك  
عرقنا و دمننا مرجان  
مرصع تاج على جبينك  
و بتحبي اللي ناهبينك  
و سارقين خير فدادينك

## كل عيد شهيد

الأضحى مش زي عاشوراه  
بس اللي جامع بين الاتنين  
أسدين و عين مش مكسورة  
الأولاني تاريخ قريناه  
و الثاني شفناه ف الصورة  
تشهد حبال المشنقة  
على أنه كان راجل صحيح  
واقف قصاد الموت جبل  
ما هزه ريح  
نطق الشهاده على الملاء  
بلسان فصيح  
ما خبي وشه  
اللي استخبوا الجلادين  
صدام حقيقي  
أنت حفيد سيدنا الحسين



## اللي جاي زي اللي فات

مين اللي قال المسألة صعبه  
و إنتي اللي ياما محملك  
شال كسوة الكعبة  
و عشان عيون قطر الندى  
حنيتي كل البنات م القاهرة لبغداد  
بغداد على خدها صار الفرات عبرات  
و دجلة تصرخ ألم و كلنا في سكات  
طب مين فتح للتتر البحر والسموات  
تحرق بنار غلها الأرض و النخلات  
ده مش خيانه يا وطن  
ده كل يوم خيانات

## المارة

الشمس خافت  
تدخل الحاره  
أصل العيال أشقيا  
خطفوا الدفا منها  
وفى عيهم خبوه  
وعيال بتعكس ضيها  
شقاوه ع المريات  
وبنات بتشكله  
قمصان سريسي كتير  
لسه ما نشفتشي  
و ما عدش ليه  
عندها للعرايس سنان

## بيحصل كل يوم

(1)

شمس إمبراح  
طلعت بدري  
قبل الوقت بتلتين ساعه  
موجة البرد بتقرص عضمي  
و أنا بسمع صوتك يا إذاعه  
رفعت يقرأ ف صورة مريم  
سومه تصبح ع اللي معانا  
و مذيعة عماله بتتصح  
هدي السرعه تعود بسلامه

ف البراد الشاي ع النار  
فول ..طعمية.. جبنه فطار  
حد بيقلي الصبح بطاطس!!?  
مركب واقفه هناك ف الغاطس  
عم فتوح يفتح شباكه  
الصياد بيلم شباكه  
طرح النهر الخير بشباره  
القشاش كمل مشواره  
الركاب نازله محطاتها  
خالتي أم أحمد مين حططها  
لفة الدنيا حوايا و شايله  
فوق الراس أقفاص سبويه  
كارو بيجري ف الشبوره  
بيجرها جحش بيتاوب

الأسئلة ملو السبورة  
شاطر مين فيكم هيجاب  
فرحانة الشنطه بكراريسها  
و المدرسة تحضن تلاميذها  
المريلة صبحت فستان  
و عروسة بتستى حصان  
جاي عليه فارس أحلامها  
رسماء في الكراس بقلمها  
تجري و تعدي الأيام  
تلقاه واقف  
تاني يقولها  
شمس امبارح  
طلعت بكره.

(2)

البياعين صاحين بدرى  
عربية الفول والخضرى  
وقبل نور الشمس ما بان  
القسط على كتف اللبان  
ده صاحى من نومه مكسل  
عامل اصطباحه بمعسل  
وشاى تقيل زي دماغه  
ع الناصيه عصافير بيلاغو  
عصفورة على سلك مكهرب  
الكل م الحق بيهرب  
رايحه التلامذه مدارسها  
شوارعنا مين اللى كانسها  
فقير فطاره فى منديله  
كنا زمان بنغنيله  
خمر العجين وأمى بتخبز

كلتين دقيق وحفنة رده  
أبويا صابح يتوضا  
ولاوية بوزها الحنفيه  
من بعد أبريقها ما صدا  
كان وارثه عن أبوه وجدوده  
قدم الجديد وهو جاه بعده  
جديد وأيامه يعدوه  
ومهما بتلف الأيام  
الصبح ما بيخلف وعده

(3)

الإدين جوه الجيوب  
والكوفيات ع- الودان  
الزفير طالع بيرسم  
ف- الفضا دومات  
كحة بتشق السكات  
قطر ستة وربع فات  
لسه بدري ع- اللي بعده  
جي هناك الميكروباص  
أجرته زيادة شوية  
بس نوصل ف- الميعاد  
المعاد ده سيفه حامي  
ماشى يقطع ف- الرقاب



ببشب النور من حب الظلمة  
 ويرمي في حجر الدنيا نهار  
 هو إنتوا لسه في العسل نايمين  
 والبياعين بيلفوا بالجرانين  
 مافيهش جديد  
 إلا تاريخ الصدور  
 نولنى صحن الفول  
 دش البصل هتفوق  
 وتعالى نشرب شاي  
 رص المعسل  
 على الحجر بقى كيف  
 تفاحة تحرق صدورنا  
 وفي بقهم سكر  
 هو انت لسه  
 برضه بتفكر  
 يا عم ارمي الهموم  
 علشان تشيل أكثر

(5)

طيب وشايل طيبه  
رزقه اللي حطه ف الغيط  
قسطين لبن  
بتلف بهم على البلد  
تفتح لها كل البيبان  
صافى الحليب  
قشه نهاركم كلكم  
مجبورة رزقه مروحة  
بالرزق والزاد القليل  
وهو صابر ع العليق  
لحد ما يروح البلد  
طول عمره شايل حمله  
مع إنه

ساقه من أجل المصدر



رقم الصفحة	الفهرس
3	1- الإهداء
7	2- سنين واقف ع العتبه
9	3- المرید
11	4- سبت النور
14	5- طرح السنه
16	6- غنوه مخنوقه
18	7- ولسه مستنى
20	8- حكايات لامبارح ولبكره
24	9- أبويا
26	10- أمى
28	11- لمسحراتى الوطن

- 32 -12 قلبى اللى فاتحه
- 33 -13 واقف ع السلم
- 34 -14 الجرح مفتوح
- 36 -15 للباطل ألف حجه
- 38 -16 وهو انت بجد محايد
- 40 -17 كل دورة وانتو طيبين
- 42 -18 آخر حدود الوطن
- 44 -19 وطن مش بتاعك
- 46 -20 فى الصف واللا الطابور
- 48 -21 كل عيد شهيد
- 49 -22 اللى جاى زي اللى فات
- 50 -23 الحارة
- 51 -24 بيحصل كل يوم

---

رقم الإيداع 2008/8629

L . S . B . N . الترقيم الدولي

977-374-379-9

